

HARVARD COLLEGE LIBRARY
FROM THE
HARVARD-YENCHING
INSTITUTE
AUG 30 1929

2

T
Ch L 3145, 0213, 83

商水縣志

卷之二

城池

學校

倉儲

整堡

寺觀

堂

衙署

宣講

囹圄

驛程

養濟院

漏澤園

營署

坊表

演武場

舖舍

廣惠

卷之三

文廟樂舞

廟祠日食鄉飲

壇壝

商水縣志卷之二

建置志

城池 倉儲

衙署 囹圄

營署 演武場

學校 塾堡

宣講 驛程

坊表

舖舍 附廣惠堂

寺觀 漏澤園

養濟院

古者苴茅分土必創置以建極蓋取用最宏弗克因陋就簡也商卽僻邑非城隍何以固疆域微衙署何以蒞政事至庠以興賢倉以裕民率非細故乃若恤鰥寡清刑獄澤枯骨崇神祠送往迎來表樹風采又烏在其可已哉特積久成圯積圯成廢舉廢葺圮革故鼎新是所望於蒞茲土者因表建置

舊志

城池

按舊志商邑舊屬土墉無埤堦戍樓雉堞周圍僅四里許歷代增修無攷明洪武四年縣丞孫元仁修築高二丈餘置四門東仁化南義和西道秦北德政上建戍樓四戍舖八隍深二丈闊五丈餘正德六年流賊趙燧邢老虎攻陷知縣劉漢增築之萬歷二十一年頽於雨知縣劉遷重修高屹巖固樓宇更新萬歷三十五年知縣俎鼎始以磚砌之僅東門以北二十餘丈而止崇正九年知縣王化行盡易以磚四門置甕城四面設敵樓葢屹然金湯云崇正十四年流賊李自成攻陷盡毀之城復

於隍矣十五年鄉民顧養太率衆修補以禦土寇國朝順治三年知縣原英煌重修十年霪雨頽圯知縣吳道觀復重修之康熙三年知縣張鐸幫築內城兼補女牆二十七年內城盡壞薄削不堪知縣邵瑗徧築之二十九年七月大雨城頽數處知縣康起梅復修如故三十年同知署事劉君向捐俸繕葺乾隆元年知縣吳昇八年知縣李新猷相繼修補迄今崇墉鞏固非復向時之卑薄矣城門本皆曲向康熙五十年知縣修映辰易直門雍正三年知縣牟繩祖復易曲門

城內五街 東街 西街 南街 北街 雲路街

巷十四

倉巷 東街街北

太平衙衙 東街之北

官巷 縣衙西

明家衙衙 縣衙西街南

關帝廟巷 南街之東東與雲路街通

義學巷 南街之東東與雲路街通

白衣閣巷 南街之西

火神廟巷 南街之西

文昌巷 雲路街東

青雲巷 文昌巷北

苦井巷 西街之南與火神廟巷通

隍廟巷 西門內

觀音巷 隍廟巷東與北街通

隍廟東巷 北街之西與觀音巷通

縣署

國家建邦設邑承以大夫師長莫不各建衙署以爲聽政之所故有事則勤政臨民事已則從容退食不徒示威重肅觀瞻已也商署經兵火之後舊治無存

國初因學署而修整之雖規模未備未始非敬求民瘼之地也

舊署因兵火毀壞止存大門一座知縣郭世魁因儒學修成縣署在東街 文廟之西舊治之東

大門三間 仍舊制

儀門三間 仍舊制

東角門 西角門 仍舊

大堂五間 即舊明倫堂乾隆十年知縣張崇樸重修

左右書吏房八間 知縣原英煌修

大堂後串堂三間二堂三間 知縣馬淑昌修

三堂西書房 俱舊址

東西廡房六間中堂三間 知縣吳道觀修

大樓三間 知縣高瑄建

旌善亭 申明亭 俱在舊治前知縣吳道觀修今廢

土地祠 在儀門東知縣王敬公建

寅賓館 在儀門西因舊劉公英煌修

馬神廟 在署西馬房院內知縣郭天錦修

察院 在東門內街北知縣原英煌修今廢

縣臺 在察院之左因布政司署今廢

康熙三十七年知縣李興高重修書吏房易草以瓦復添修興快皂隸班房各一間

康熙五十年知縣脩映辰添修東樓三間易中堂為樓五間

雍正四年知縣牟繩祖毀串堂改修二堂捲棚三楹雍正十二年知縣張淑載重修大門儀門東西角門

月臺甬道花牆

商水縣志 卷之二
乾隆九年知縣張崇樸添修宅內東西瓦房一座堂房三間馬房院添修 關帝祠一間

乾隆十年知縣張崇樸毀捲棚改修二堂前串堂教諭宅詳學宮內

訓導宅詳學宮

捕廳宅在舊縣署之右典史郭有光修頭門二門

大堂三間 二堂三間 東西書房六間 主房

六間 東西房四間 班房四間 耳房二間

營署

把總宅在捕廳宅東卽舊縣署也大堂三間 耳房

兩間 班房二所五間 大門二門 住房三

間 廚房兩間 馬房一間

學校

學校者教化之原而人才之所從出也是以畿甸郡邑莫不有學歷代以來法制寢備明季兵燹之餘學宮鞠爲茂草矣我

朝崇儒重道文教覃敷山陬海澨之士靡不蒸蒸向化豈非上有好者下必有甚焉者歟至若化民成俗一道同風是又在賢有司加之意耳

學宮

按舊志在縣治東元大觀二年建明洪武四

年縣丞孫元仁重修景泰六年知縣龐寬修成化六年知縣羅楫修萬歷五年知縣徐士毅厭其卑狹改舊文廟爲明倫堂舊明倫堂爲會饌堂舊兩廡爲進德修業齋前建大門二門門內爲省牲所教諭宅在會饌堂東訓導宅在會饌堂後後建敬一亭又市近學民宅數區改建文廟東西兩廡戟門櫺星門前鑿泮池甃以磚石門外開雲路街直抵南城下中建雲路坊規模稱壯麗焉

國初燹燬之餘聖殿兩廡啓聖祠戟門僅存其址若櫺星雲路名宦鄉賢蕩然無餘矣知縣原英煌因其

存者而補葺之越數年知縣吳道觀教諭喬時傑市民宅草創明倫堂於聖廟之東偏康熙二十一年知縣郭天錦重修名宦鄉賢於啓聖祠之前康熙二十六年知縣邵瑗教諭劉寬訓導繆蘭芳重加丹雘移建名宦鄉賢於戟門之外建修櫺星門鑿泮池於其前越明年改建明倫堂於大成殿後高廠爽塏非復從前之陋矣又於明倫堂後市民宅一處議建尊經閣及教官宅未果而以他事罷去康熙三十年署縣事劉君向又移啓聖祠於新明倫堂之左規模始煥然改觀焉

康熙五十一年教諭杜法修葺兩廡五十五年知縣張鉞義路禮門外置下馬牌各一

康熙五十八年大成殿壞教諭喬廷謨率諸生捐資修之并修奎樓

雍正六年知縣趙士蘭重修櫺星門義路禮門舊原在照壁兩傍南向改修櫺星門外東西對列

大成殿五間先師龕一四配龕二十哲龕二順治

三年知縣原英煌督工鄉民顧養敬重修康熙二

十三年

御製萬世師表匾額頌懸正楹二十五年

御製至聖先師贊勒石階下二十八年

御製四配贊勒石階下雍正二年

御製生民未有匾額頌懸左楹乾隆二年

御製與天地參匾額頌懸右楹

東廡五間順治三年知縣原英煌修康熙五十九年

知縣黃庭獻重修

西廡五間順治三年知縣原英煌修康熙五十九年

知縣黃庭獻修

戟門三間順治三年知縣原英煌修

櫺星門三間康熙二十六年知縣邵瑗修雍正六年

知縣趙士蘭重修

泮池舊在櫺星門外屏壁內知縣趙士蘭移置門內

建橋其上

東角門一間 在戟門左

西角門一間 在戟門右

東義路 在櫺星門左東向

西禮門 在櫺星門右西向 二門舊在屏壁左右南向知縣趙

士蘭改建今制易以櫺星門

崇聖祠三間 在大成殿東北明倫堂之左 康熙三十年署縣事同

知劉君向改建康熙五十九年教諭喬廷謨重修

雍正元年奉

旨追崇孔子五代改啓聖宮為崇聖祠贈爵為王

名宦祠一間 在戟門之左西向

鄉賢祠一間 在戟門之右東向

忠義祠三間 在名宦祠之南 雍正六年知縣趙士蘭建

節孝祠三間 在聖廟東訓導宅舊址 雍正六年知縣趙士蘭建

奎星樓 在文廟前 知縣原英煌建

文昌閣 城上東南隅

儒學歷年頒藏書籍

聖諭廣訓一部

御纂朱子全書一部

學政全書一本

日講四書解義一部

憲皇帝上諭二十四本

孝經易知一本

諄諭士習以端風俗文二本

成均講義一本

規勸條約二本

文廟神主祭器樂器圖一本

大清會典儀注一本

呂語集粹二本

上諭二本

日新錄二本

明職一本

讀書分年日程一本

增刊條約四本

欽奉 上諭書目價值一本

蠶務成規一本

勸蠶說二本

蠶桑輯畧二本

紀畧二本

崇祀名宦錄一本

明史一百一十二本

欽定四書文一部

學宮備攷一部

新頒學政全書一本

新捐四書一部

監生陳增捐置

憲皇帝上諭十本

易經一部

書經一部

詩經一部

禮記一部

春秋一部

以下三書皆陳增捐置

性理一部

武三子一部

以上沈邱教諭署商水學事魯之璠登記

乾隆九年頒發

大清律一部 二套

緒發一套 二本

乾隆十年頒發

欽定易經二部 四套

欽定書經二部 四套

欽定詩經二部 四套

欽定春秋二部 四套

欽定性理二部 二套

乾隆十一年頒發

御批資治通鑑綱目二部 十六套

祭器

乾隆五年 布政司頒發祭器合舊器共十四具

錫花瓶一對

大小錫燭台六對

大小錫香爐六座

錫爵四十二器

錫尊八器

磁登一器

磁劍十一器

簠三十器

簋三十器

籩一百二十二器

豆一百二十二器

鳥籠二十四器

牲俎二十九器

齋戒牌二面

白磁盃六十器

白磁爵六十器

以上二項係邑監生李震興捐又捐大成殿洪桌

三張竹書櫃一箇盛貯書器

樂器

乾隆五年 布政司頒發樂器一十八具

麾旛一

大鼓一

編鐘十六

編磬十六

搏拊二

祝一

敔一

琴二

瑟一

鳳簫二

笙二

洞簫二

笛二

塤二

篪二

旌節二

羽三十六

籥三十六

附樂舞生名數

額設樂生三十二名 舞生三十二名

外設八名

明倫堂五間在大成殿後康熙二十六年知縣邵瑗
改建雍正十三年邑候選知州李震普捐貲重修
教諭宅在明倫堂後舊在文廟東圯廢已久康熙五
十八年教諭喬廷謨修於此

訓導宅節孝祠後雍正十二年訓導籍書修

儒學田在城西一頃二十畝四分六釐每年徵解租
銀九兩二錢一分八釐一毫二絲五忽

義學在雲路街南極之西地基六間南至城北至街

雍正八年知縣王夔龍捐置復買舊樓一座以資蓋
造未竟而謝事去

講堂五間雍正十一年知縣牟繩祖修生員王廣運督修

藏書樓三間雍正十一年知縣牟繩祖勸捐生員王廣運督修

修

東齋房三間

西齋房三間

大門

二門

四維牆垣 以上乾隆元年知縣張淑載倡捐生員王廣

運監
修

廚房三間在藏書樓之左候選知州李震普捐修
明房三間乾隆四年知縣李新猷修規模粗具延師
無資李公方在躊躇邑紳李震普慨出百餘金延
請名師教授生徒成就者甚衆乾隆五年震普歿
其弟震興堂弟郊堂姪樹勳復繼其志焉可謂富
而好禮者矣

生息銀六百五十兩 知縣李新猷捐俸五十兩邑
紳士共捐銀六百兩攤寄各當典每年生息一百
二十餘兩以爲延師修脯之費

李公祠三間在二門左李公作意曲成人材有功商
邑文教不淺紳士感德爲建祠以奉之

樓前西齋房三間乾隆十年知縣張崇樸修復置

先師神龕一座以示尊禮先聖之意延師授徒時勤考課
來學者雲集焉亦文風丕振之機歟

各祠神主姓氏

名宦祠神主

宋祀名宦邑侯高公

諱若訥

明祀名宦邑侯龐公

諱堯

明祀名宦邑侯劉公

諱漢

明祀名宦邑丞孫公諱元仁

明祀名宦邑侯楊公諱一廉

清祀名宦三省總督李公諱廕祖

清祀名宦三省總督朱公諱昌祚

清祀名宦河南通省學政張公諱九徵

鄉賢祠神主

宋祀鄉賢著作郎張公諱輅

宋祀鄉賢賜進士河北都轉姚公諱仲孫

明祀鄉賢福建叅議謝公諱方直

明祀鄉賢通政司左叅議王公諱溢

明祀鄉賢真定府同知華公諱能

明祀鄉賢山東海鹽縣知縣王公諱榮

明祀鄉賢賜進士選御史王公諱相

清祀鄉賢候選知州李公諱震普

忠孝祠神主

明邑進士臨汾令贈禮部主事忠烈張公諱質

明邑庠生殉孝殉忠劉公諱嘉訖

明邑教諭殉忠王公諱應登

明邑侯忠烈王公諱化行

明邑侯忠烈姚公諱文衡

明邑庠生盡孝殉忠張公諱坦

明邑侯盡忠昌義劉公諱漢

明邑人純孝張景昭

明邑庠生孝行郭峻極

明邑庠生殉義李公諱之萼

明邑侯姚公子殉孝殉義公諱某

明太學生殉義高公諱思忠

明邑太學生殉義傅公諱嘉言

明邑侯姚公次子殉孝殉忠諱某

明邑庠生篤孝董公諱正誼

清邑太學生孝義李公諱震昇

節烈祠神主

明鄉貢棲霞令王風淳妻殉孝大節黃氏

明邑庠生張坦妻盡孝殉義大節金氏

明贈中書舍人李珠妻守義勁節王氏

明邑太學生傅商佐妻守義勁節惠氏

明許聘李門趙襄女殉義節烈趙氏

明邑人王大妻殉義節烈祁氏

明邑人李士蘭妻殉義節烈高氏

明邑人郭璉妻守義勁節杜氏

明邑人張一平妻守義勁節紀氏

清邑人李國顯妻殉義烈節李氏

清邑處女守正不污貞節婁二姐

清邑人王三妻殉義烈節郭氏

清邑人高黑妻殉義烈節吳氏

宣讀

聖諭所

雍正七年奉

旨設立講所五處各所選擇紳士學行素優者立約正

名值月四名每逢朔望宣講

聖諭

講所五處

一在城內

一在周家口

一在鄧城

一在北蔡寺

一在巴村

坊表

按舊制科第節義皆有坊今科甲建坊者甚少而節孝坊則間有之茲無論新舊一槩登入亦表厥宅里以樹風聲之意云爾

聖廟前雲路坊今廢

東街志節坊爲武英殿中書舍人李時馨之母王氏
建今廢

北街世科坊爲監察御史王濬建今廢

聖廟西木坊爲通政司王溢建今廢

舉人劉沛然坊嘉靖七年建今廢

東街孝義坊乾隆八年爲監生李震昇建

倉儲

積貯者生民之大命也漢之常平宋之社倉法極
善矣今之倉儲猶倣其遺意第恐法久弊生下民
無以被其實惠耳我

勤恤元元痛除積弊收放以時蓄積有法誠千古積
貯之良規也惟賢司牧實心以奉行之斯民無水
旱之憂而戶有仰賴之資矣

常平倉在縣治東北隅明萬歷間知縣張可觀建倉

房四所 倉堂一所順治三年知縣原英煌重修

之康熙二十九年知縣康起梅建草房一所 康

熙三十二年知縣李興高建瓦房一所 雍正七

年知縣胡樓生建瓦房三間乾隆三年知縣吳昇

建瓦房十五間乾隆八年知縣李新猷建瓦房三

間

乾隆十年知縣張崇樸新建瓦房九間在縣署後
共貯穀二萬七千五百石有奇

社倉三座貯穀四百二十四石有奇

勸捐義倉貯穀四千二百二十六石有奇

周家口社倉貯河南關帝廟

鄧城社倉

在城社倉附周家口借貯當商雷顯瑞房

囹圄

在舊縣署之右知縣吳道觀修

厥房十間 獄神廟一間在 囹圄之北

演武場

國家有文事者必有武備故聖人論政食而卽繼
之兵周官大司馬仲冬大閱亦可知兵之所係匪
細故也顧作止進退有其方擊射馳騁有其地然
後可以敵愾而禦侮是烏可畧而不志

演武場在城北關外

演武廳三間今圯

將臺 僅存遺址

射圃 在把總宅前卽舊縣署也

整堡 官兵附

商自周家口迤邐西南遞上蔡沿途舊皆有堡今

廢

河墜三處各有防洪一在鄧城 一在趙家集 一在周家口 西俱在沙河南岸

商水縣馬兵七名守兵二十四名共額三十一名

周家口墜臺一座在河南防兵五名 馬兵二名

守兵三名 營房十間 馬棚二間

趙家集墜臺一座在河南防兵四名 馬兵一名

守兵二名 營房八間 馬棚一間

鄧城集墜臺一座在河南防兵二名 營房四間

遞文塘撥二處

西華縣司家埠口遞文守兵二名無官房

臨潁縣瓦店集遞文守兵二名無官房

在城馬兵四名守兵十二名共兵十六名

驛程

東北至 神京一千八百里 西北至開封府二百八

十里 東北至陳州府七十里 東南至項城縣

一百里 西南至上蔡縣九十里 西北至西華

縣五十里

商舊未置驛現設遞馬十一匹馬夫五名走遞夫十

五名

舖舍

更衣亭在城東北五里王溝橋今廢
十里舖縣北十里有接官亭舊址存焉

周家口中火舖縣北十八里老街街西真武廟西
楊家灣舖東北十二里明萬歷間知縣張可觀修今
廢

崇台舖縣東北二十里

北蔡寺中火舖縣西南二十五里有舖司

廟寺觀閣

自聖道熄而世之惑於禍福感應者紛紛矣禮金

仙奉浮屠建廟設像供奉維虔因果報應之說中
於人心而不可解嗚呼何其愚也雖然禮義以繩
君子鬼神以儆愚氓思神靈之顯赫而惕然不敢
爲非又未始非整齊風化之一助也何妨並志之
以示神道設教之意歟

城隍廟在城內西街路北

關帝廟

一廟在東門外澱水橋東
一廟在周家口西偏沙河南岸山西商人張在天等
建規模宏麗異於他廟

一在城西北八里俗呼蒜張家關帝廟

一在城西扶蘇寺西俗呼老關帝廟

一在城西南二十五里北蔡寺集

元帝廟

城內南街路西 又一廟在北門外 又一廟在周家口河南老街路西 又一廟在北蔡寺之東首

炎帝廟

城內西城下 一廟在北街路東 一廟在華家河橋南路西 一廟在北蔡寺之東首 一廟在龍塘河之東首

二郎廟在東郭之北

三官廟在東關北首

玉皇廟在東關北三官廟後

三皇廟在玉皇廟之右

東嶽廟在城南二里許

靈濟廟神醫華佗祠在北關外明宣德年建

漢高祖廟在城西四十五里今圮

黃帝廟在城西三十五里今圮

漢光武廟城西

唐鎮廟卽漢高祖祠城西南四十五里

王靈官廟真武護法城西二十里火燒橋之左

失馬廟城東十里漢光武失馬處

烏溝廟城東七里

邱生廟城西南二十五里北蔡寺之西相傳邱生與
蕭何造律廟之下卽其塚也然前史不載無可攷
証按前漢書蔡人曹邱生說士也與季布同時疑
卽其人也

永福寺城內東街宋建中二年建明僧繼宗重修僧
會司居焉凡遇

壽及元旦慶賀官吏師生於此習儀

觀音寺城東南

拾頭寺城東十八里

焦砦寺城西南五十里

五樓寺城東南二十里

鐵佛寺城東南十二里

南陵寺城西二十五里

西陵寺城北十二里

天王寺城南二十里

王田寺城西南二十五里

北蔡寺城西南二十五里

留村寺城西二十里

扶蘇寺城西三十里

龍門寺城東北十二里

遠通寺城東北六里

亭營寺城西三十里

史庄寺城西北四十里

清涼寺城西四十五里

栢陵寺連塚集西首

霧台寺城南十五里

地藏寺周家口老街南首之左

白衣閣城內西南隅

女貞觀城內東南隅

觀音堂城內東南文昌閣下

王家堂城西七里頭

柴家堂城東北十二里

李家堂城東北十五里

胥家堂城東南七里

寶豐閣城北八里王許村之左

宋家火星閣城北十二里

玉皇閣黃家冲城南十二里

懷邱寺城西北二十里

鍾鎮倉廟城西南三十五里

龍潭寺在城西南五十里

裴家寺在城西三十里

裴家廟在城西南十五里

養濟院 廣惠堂附

聖王之恤民也至矣哉故凡鰥寡孤獨顛連無告之民恩必及之我

國家設養濟院優恤窮黎恩至渥矣近復設廣惠堂務使無一人不得其所商書曰一夫不獲時予之辜其卽此意也夫敢不詳志之以識

皇仁之浩蕩歟

養濟院舊在城隍廟西草房八間堂一間因明季兵

火焚毀新在廟西街南因李省舊宅瓦房六間

廣惠堂雍正十二年知縣張淑載建在南街路西監

生王泰峯捐地基一處 照壁大門二門大堂三

間 點驗給南北廂房六間 貯穀後修瓦房二十六

間 窮民居置地六頃三十九畝每年徵稞以贍窮

民

漏澤園

聖王之世恩膏遍穹壤矣然生者蒙其庥而死者

商水縣志 卷之二
不被其澤聖人之心猶歉然也昔文王築靈臺獲
枯骨或曰無主文王惻然曰寡人卽其主也命掩
之此其澤豈獨及當時之枯骨哉於今猶賴之矣
我

國家置漏澤園俾死者不致暴露其德澤之浩蕩不與
文有同心乎故疏其地而備載之

舊共二處

一在城南三里許

一在城北王溝橋知縣吳道觀置

新置東馬坡一處 西馬坡一處 褚河南岸一處

以上俱邑監生李震普李郊捐

城東雙龍橋一處 邑貢生陳王前捐

周家口一處 在集之西偏

蘇家坡一處

張家堂北一處

城東北柴家堂一處

東關北鹿盧灣一處

商水縣志卷之三

祀典志

文廟樂舞附

壇壝

廟祠

日食鄉飲附

五禮攸重惟祀凡有功德於民者則舉之以
 明報也然而疏則慢數則瀆故祀典之設有
 國者誠重焉書曰黍稷非馨明德惟馨春
 秋傳曰澗溪沼沚之毛蘋蘩藎藻之菜可
 薦於鬼神可羞於王公是故齋明如在誠克
 享也知禘者足以治天下可易言之乎因表
 祀典

仁皇帝御製

先師孔子贊

清濁有氣剛柔有質聖人參之人極以立行若君察舍
道莫由維皇建極維后綏猷作君作師垂統萬古曰惟
堯舜禹湯文武五百餘歲至聖挺生聲金振玉集厥大
成序詩刪書定禮正樂既窮象繫亦巖筆削上紹往緒

下示來型道不終晦秩然大經百家紛紛殊途異趨日
月無踰羹墻可晤孔子之道惟中與庸此心此理千聖
所同孔子之德仁義中正秉彝之好根本天性庶幾夙
夜勗哉令圖源溯洙泗景躅唐虞載歷庭除式觀禮器
擣毫仰贊心焉遐企百世而上以聖爲歸百世而下以
聖爲師非師夫子惟師於道統天御世惟道惟寶泰山
巖巖東海泱泱宮墻萬仞夫子之堂孰窺其藩孰窺其
徑道不遠人克念作聖

顏子

聖道早聞天資獨粹約禮博文不遷不貳一善服膺萬

德來萃能化而齊其樂一致禮樂四代治法兼備用行
舍藏王佐之器

曾子

洙泗之傳曾以得之一貫曰唯聖學在茲明德新民止
善為期格致誠正均平以推至德要道百行所基纂承
統緒備明訓辭

子思子

於穆天命道之大原靜養動察庸德庸言以育萬物以
贊乾坤九經三重大法是存篤恭慎獨成德之門卷之
藏密擴之無垠

孟子

要揚墨昌熾子輿闢之曰仁曰義性善心獨關知
坦稱堯舜學屏功利煌煌七篇並垂六世聖孔學

攸作 攸作配

文廟祀

先師廟春秋仲月上丁日縣官以下朝冠祭服行三獻禮

以顏曾思孟配以十哲祔以先賢先儒從祀兩廡又
以先賢有子朱子祔

正殿

至聖先師神位正中南向

四配在殿內兩傍東西向

十哲在殿內兩傍之次東西向

康熙五十四年奉

旨遷朱熹配享十哲之次

雍正年間奉

旨遷有若配享十哲之次

東廡西廡在正殿前各東西向

康熙五十三年奉

旨以宋儒范仲淹從祀東廡

雍正二年奉

旨附饗廟庭者宜復祀六人

林放 蘧瑗 秦冉 顏何 鄭康成 范甯

宜增祀者二十人

縣直 牧皮 樂正子 公都子 萬章 公孫丑

諸葛亮 尹焞 魏了翁 黃幹 陳淳 何基

王柏 趙復 金履祥 許謙 陳澔 羅欽順

蔡清 陸龍其

宜入崇聖祠者一人

張迪

雍正三年頒加增祭品祭器樂器圖冊奉

旨自叔梁公以上五代俱追封王爵改啓聖祠爲崇聖祠

雍正五年奉

旨八月二十七日

至聖誕辰文武官員以及軍民人等致齋一日不理刑名

禁止屠宰儀禮與春秋祭同

正位陳設

禮神制帛一 白色 白磁爵三 牛一 羊一 豕一

登一 鉶一 簋二 簋三 籩十 豆十 酒罇

四配位陳設 每位各一壇

禮神制帛一 白色 白磁爵三 羊一 豕一 鉶一

簋二 簋二 籩八 豆八 酒罇一

十哲陳設 每位各一壇 獻官拜位東西各一壇

東五位五案 又朱子一位一案

禮神制帛一 白色 白磁爵各一 豕一 鉶各一

簋各一 簋各一 豆各四 豕首一

西五位五案與東五位陳設同

東廡陳設 每四位一壇 獻官拜位每廡三壇

禮神制帛一 白色 銅爵各一 豕一 每案簋一

簋一 籩四 豆四

西廡陳設與東廡同

崇聖祠安設 上丁日教官一員朝服祭冠行三獻

禮

公正南向

裕聖王叔梁公東一室南向

詔聖王防叔公西一室南向

設聖王叔梁公東二室南向

聖王伯夏公西一室南向

配位

先賢顏氏 無繇

先賢孔氏 鯉 在殿內東列西向

先賢曾氏 點

先賢孟孫氏 在殿內西列東向

東廡

先儒周輔成

先儒程 珦

先儒蔡元定 俱西向

西廡

先儒張 迪

先儒朱 松 俱東向

正位陳設

禮神制帛一 白色 白磁爵三 羊一 豕一 釧一

簋二 簋二 籩八 豆八 酒罇一

配位陳設 每位一案

禮神制帛二 白色 豕首一 每位銅爵三 簋一

簋一 籩四 豆四 豕肉一

兩廡陳設

禮神制帛一 每位銅爵三 簋一 簋一 籩四

豆四 豕肉一

祭器圖另載

爵 登 罇 釧 簋 簋 籩 豆 帛篚 牲

俎

太常寺樂器圖另載

麾 金鐘 玉磬 鼓 搏拊 祝 敔 琴 瑟

排簫 笙 簫 笛 埙 篪

舞器圖另載

節羽籥干戚

乾隆十年奉

旨崇聖祠文武官員朔望行香永著為例

樂章

迎神樂咸平之章 無舞

大哉太南工四

至尺林聖上仲道四太德上仲尊尺林崇上仲維工南持尺林王上仲化四太斯尺林

民上仲是合黃宗四太典上仲祀尺林有上仲常尺林精宮南純尺林並

太四隆上仲神六黃其工南來尺林格上仲於尺林昭上仲聖合黃容四太

初獻樂寧平之章 有舞

自四太生上仲民尺林來上仲誰四太底合黃其上仲盛四太惟工南師

尺林神上仲明四太度合黃越上仲前上仲聖四太棗上仲帛四太具上仲

成尺林禮合黃容四太斯尺林稱上仲黍四太稷工南非六黃馨尺林維

南上神尺林之上仲聽四太

亞獻樂安平之章 有舞

大四太哉上仲聖合黃師四太實工南天尺林生上仲德四太作上仲樂

四太以上仲崇尺林時上仲祀四太無尺林敷上仲清六黃酤工南惟上仲

馨上仲嘉尺林牲上仲孔合黃碩四太薦四太羞工南神六黃明尺林庶

南工幾尺林昭上仲格四太

三獻樂景平之章 有舞

百上仲王工南宗尺林師上仲生尺林民上仲物四太軌合黃瞻六黃之

工南洋尺林洋上仲神上林其上仲寧四太止合黃酌四太彼合黃金尺林

囂上仲惟上南清尺林且四太旨上仲登上仲獻四太惟尺林三上仲於

六黃嘻工南成尺林禮上仲

徹饌樂咸平之章 無舞

犧上仲象四太在上仲前尺林豆四太籩上仲在合黃列四太以四太享

工南以尺林薦上仲既上仲芬尺林既四太潔上仲禮合黃成四太樂上仲

備四太人工南和尺林神上仲悅四太祭合黃則四太受上仲福尺林率

合黃遵工南無尺林越上仲

送神樂咸平之章 望燎同

有大嚴工南學尺林宮上仲四合黃方四太來上仲崇四太恪六黃恭

工南祀尺林事上仲威工南儀尺林雝上仲雝四太歆上仲茲尺林惟工南

馨尺林神上仲馭四太還尺林復上仲明六黃禮工南斯尺林畢上仲咸

工南膺尺林百上仲福四太

舞譜

初獻

自稍前向外生開籥舞民朝上手蹲來起辭身向外

誰兩兩相對對蹲底合手蹲其正盛起平身出唯兩

相對自下而向師稍前舞舉神中班轉身東西相向

轉身俱東明舉翟三度稍前向外越蹈向裏前

合手謙進步 聖 圓身再謙退步側身 桑 正蹲 帛 稍
 雙手合籥 躬身挽手側身向外 具 正成 起辭身挽手 禮 兩兩
 呈籥耳邊 面朝上 揖 向外退挽手舉 稱 圓身 黍 稍
 交籥兩班 俱容 正揖 籥向外 退挽手舉 稱 圓身 黍 稍
 東西手執籥 容 揖 籥向外 退挽手舉 稱 圓身 黍 稍
 舞 稷 正蹲 非 左右垂手兩班 上下 馨 起手合 惟 左右
 側身垂手向外 神 右側身垂手 之 正揖 相向立 惟 左右
 開籥垂手舞 神 向裏垂手舞 之 朝上 聽 之 躬身受
 朝上拱籥而受 之三鼓畢起

亞獻

大 左右進步向 哉 右向裏 聖 向外落籥 帥 退向正
 外垂手舞 哉 垂手舞 聖 面朝上 帥 身立
 實 正天 起身向前 生 向裏 德 合手謙進步向前 作
 兩兩相對自下而上 樂 上下俱垂手 惟兩中班上
 兩班相舉籥東西 樂 下十二人俱垂手轉身東

三獻

西 以 轉身東西 崇 相向立兩班 上 特 稍前舞蹈兩
 向 相向立 崇 下 以 翟相籥 特 班上下俱垂
 外 向 祀 向裏垂 無 前垂手合籥 斲 圓身再謙兩
 相向合 清 稍前舞向 酌 向裏 惟 雙手平執籥 馨 合
 籥立 翟朝上 嘉 側身垂手向外舞 牲 躬身 孔 雙手舞籥
 正立 嘉 俱垂手向外舞 牲 躬身 孔 翟躬身
 碩 躬而受之一鼓而起 薦 一叩頭舉 羞 舉左手 神
 拱籥受之一鼓而起 薦 右手叩頭 羞 叩頭
 復舉右 明 拜一鼓畢即起 庶 三舞蹈舉籥 幾 舉籥
 手叩頭 明 躬身三鼓平身 庶 向三舞蹈舉籥 幾 向
 躬身 昭 舉籥復向 格 拱籥躬身
 舞 昭 左躬身舞 格 而受之

百 籥舞 王 籥舞 宗 側身向外 師 朝上 生 兩班
 籥舞 王 籥舞 宗 面朝上 師 正立 生 兩班

兩兩相 民 合手朝 物 側身向 軌 合籥朝 瞻 籥舞
 對交籥 民 上正蹲 物 裏落籥 軌 上正立 瞻 籥舞

之向裏開洋開神向外開其向裏開寧

進步向前止回身東西酌向外開彼向裏開金開

雙手合籥相向手謙籥舞且朝上旨躬

朝上正立惟向外垂清向裏垂且朝上旨躬

而受登躬身向左獻躬身向右惟躬身復向三合

之合籥舞於側身向外嘻側身向裏成朝上禮躬

朝上拜一於垂手舞嘻側身向裏成朝上禮躬

鼓便起身於垂手舞嘻側身向裏成朝上禮躬

朝南受之三鼓畢起身

文昌 在城上東南隅春秋仲月上丁致祭
文廟祭畢縣官行九拜禮
奎星 在文廟前春秋仲月上丁致祭
文廟祭畢縣官行九拜禮

名宦 春秋仲月上丁日

文廟祭畢縣官行九拜禮

鄉賢 春秋仲月上丁日

文廟祭畢縣官行九拜禮

壇壝

社稷壇 在城西郭西南隅

每歲春秋仲月上戊日祭儀注與先農壇同

主用石牌書

縣社之神

縣稷之神

祭物

羊一 豕一 帛一 黑色 釧一 籩四 棗 栗

鹽 藁 魚 豆四 韭菹 醯醢 菁菹 鹿

脯 簋二 黍稷 簋二 稻粱

風雲雷雨壇 在東郭東南隅

每歲春秋仲月上戊日祭祭儀注與社稷同

帛四

山川

每歲春秋仲月上戊日合祭於風雲雷雨壇

位居風雲雷雨之左

阜二

城隍

每歲春秋仲月上戊日合祭於風雲雷雨壇

位居風雲雷雨之右

帛一 以上俱用白色 祭物陳設俱與社稷壇同

邑厲壇 北郭外

每歲清明日七月十五日十月初一日先迎

城隍主祭於壇所預設醮薦令沙門道士修齋誦經

縣官祭用豕羊羹飯焚楮然燭祝以厲文祭畢仍

昇城隍神主還祠

先農壇 郭外東南隅

雍正四年奉

旨建立置地一段

壇前正門外左側勒石上鐫

先農壇三字旁記創建年月及承祭陪祭各官銜名
每歲仲春亥日致祭儀節悉遵

會典

先期齋戒二日

又先期預備祝版及一切壇前應用供案香案祝
案等物

又先期於籍田後搭一蓬廠以便更衣觀耕再於
蓬廠之右搭一小蓬以便監視宰牲

又先期一日地方官監視宰牲留貯毛血爲次日
瘞毛血之用

又先期於壇下東南隅開一小池以爲瘞池

壇前預陳設供品

正祭日早地方官捧請

神牌上書先農之神奉安壇上禮生捧請祝版奉安
壇內祝案上

正祭日承祭官及各屬陪祭官俱朝服赴壇前其

佐貳一切執事人員俱預赴壇所伺候照常鼓吹作樂贊禮生引承祭官至盥洗所盥手畢引至行

禮處立陪祭官隨後立承祭官就位瘞毛血迎

神土香復位跪 興承祭陪祭俱行二跪六叩頭禮

興奉帛禮 生捧帛奠 神位前行初獻禮獻爵禮生

跪讀祝禮生承祭陪祭官俱跪讀畢禮生捧安承

祭陪祭官俱行三叩頭禮 興行亞獻禮獻爵禮生

路行終獻禮獻爵禮生徹饌禮生送 神承祭官

陪祭官俱行二跪六叩頭禮 興瘞帛瘞香饌瘞

祝文 承祭官視瘞禮畢少憩行耕籍禮

籍田須先期價買牛隻預備耕器併在附近籍田

處僱一誠實農民耑管栽種籍田看守壇宇一切

牛隻耕具俱交伊牧飼收管早則灌澆則洩去草

加糞是其專責勤則獎惰則法懲

先期一日地方官將預備種匣耒耜及鞭呈送閱

視畢仍裝置綵亭內鼓吹送至耕籍所並率耆老

農夫預為演習耕籍儀節

是日承祭官及陪祀官俱穿朝服詣

先農壇祭畢少憩各更朝衣贊禮生請承祭官至耕

籍位陪祭官各就耕位立佐貳及執事耆老農夫

以次排立於下前期預備裝載耕籍祭器具及種
 匣絲亭陳設左右贊禮生進耒耜地方官以次進
 耒耜贊禮生進鞭地方官以次進鞭贊禮生導承
 祭官秉耒九推訖佐貳官執青箱播種即種耆老
 隨後覆土畢贊禮生導承祭官至觀耕所少憩贊
 禮生以次導陪祀官各秉耒九推畢佐貳官各執
 青箱播種耆老復後覆土畢地方官率佐貳及農
 夫至耕籍所終畝禮畢
 耆老酌用四人農夫酌用十人
 祭品應照各屬歲祀社稷壇祭品

- 帛一色白 羊一 豕一 釧一 籩四 豆四
- 簋二 簋二 爵三

祝文

天佑下民篤生

聖人禮明樂備百度維新

親載耒耜肇以元辰五推九推次及外臣奉

天子命設壇告

神天地和同在歲之春田事既飭農乃持循雨公及私四

國是均粢盛萬年似續明禋虔告

廟祀

關帝廟祀典

雍正三年奉 部文擇本境廟之大者春秋二仲月五月十三日致祭用太牢一少牢一豕一果品五又追封

關帝五代俱公爵不用太牢祭品悉照 帝廟儀禮照文廟例遵行又雍正六年奉戶部咨文致祭品價銀應於本年起運錢糧內動支銀四十兩照

文廟例遵行

蚩蜡祠一劉猛將軍祠附

舊在城東郭外一里許今改置城北

每歲春秋上戊日致祭

衙神

每歲春秋仲月上戊日致祭

獄神

每歲春秋仲月上戊日祭

馬神

每歲春秋上戊日祭

忠孝祠

每歲春秋仲月祭

節義祠

每歲春秋仲月祭

炎帝祠

正月初七日祭

三皇廟

春秋仲月祭

附日月蝕鄉飲酒禮

救護

日月蝕預行所屬官司前期設香案於露臺金鼓列儀門樂人列臺下設拜位於臺上俱向日月至期陰陽官日月初虧各官衣便服行三跪九叩頭禮

班首官上香畢正官擊鼓三聲衆鼓齊鳴及報圓鼓聲止各官衣朝衣行三跪九叩頭禮畢

鄉飲酒

每歲正月十五日十月初一日於儒學行禮前一日執事者於明倫堂陳設坐次司正率執事者習禮至日黎明執事者宰牲具饌主席及僚屬司正先詣學遣人速賓僎以下比至執事者先報日賓至主席者率僚屬出迎於庠門外以入主居東賓居西三揖三讓而後升堂東西相向立贊兩拜賓坐執事又報日僎至主席又率僚屬出迎揖讓升

堂拜坐如前儀賓介俱至既就位執事者唱司正揚觶執事引司正由西階至堂中北向立執事者唱賓僎以下皆立唱揖司正賓僎以下皆揖執事者以觶酌酒授司正司正舉酒曰恭惟

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄友弟恭內睦宗族外和鄉里無或廢墜以忝所生語畢執事者唱司正飲酒飲畢以觶授執事執事者唱揖司正揖賓僎以下皆揖司正復位賓僎以下皆復位唱讀律令執事者舉律令案於堂之中引

讀者詣案前北向立唱賓僎以下皆立行揖禮如前讀畢復位執事者唱供饌案執事者舉饌案至賓前次僎次介次主三賓以下各以次舉訖執事者唱獻賓主起席北面立執事斟酒以授主主受爵詣賓前置於席稍退贊兩拜賓答拜訖執事又斟酒以授主主受爵詣僎前置於席交拜如前儀畢主退復位執事者唱酬酒賓起僎從之執事者斟酒授賓賓受爵詣主前置於席稍退贊兩拜賓僎主交拜訖各就位坐執事者分左右立介三賓衆賓以下以次斟酒於席訖執事唱飲酒或三行

或五行供湯又唱斟酒飲酒供湯三品畢執事者
唱徹饌候徹饌案訖唱賓僎以下皆行禮僎主僚
屬居東賓介三賓衆賓居西贊兩拜訖唱送賓以
次下堂分東西行仍三揖出庠門而退
凡鄉飲酒禮序長幼崇賢良別奸頑其坐席間高
年德邵者居上高年淳篤者並之以次序齒而列
其有違條犯法者不許干於良善之席違者罪以
違制敢有誼譁失禮者揚觶者以禮責之
主知府知州知縣如無正官佐貳官代位於東南
大賓以致仕官爲之位於西北

僎擇於里年高有德之人位於東北

介以次長位於西南

三賓以賓之次者爲之位於賓主介僎之後除賓僎
外衆賓序齒列坐其僚屬則序爵

司正以教職爲之主揚觶以罰

贊禮者以老成生員爲之

歌章

初歌鹿鳴之首章

次歌南山之首章

三歌湛露之首章

終歌天保之首章

商水縣志卷之三

